

Istudadu unu fogu mannu a presu de Sant'Andria 'e Frius



Is fracas, partidas de su sartu, si funt acurtziadas a su tzentru abitadu. Su fogu est essisu pagu a largu de sa bidda de Sant'Andria 'e Frius. Alimentadas dae su bentu intro de pagu tempus ant imboligadu unu padente de èlighes e

suèrgios, e si sunt acurtziadas a is domos. Diversos palos de sa linia elètrica sunt istados abrusiados lassende sena energia vàrias abitatzione. In deretura sunt intervènnidas sas iscuadras a terra, bator elicòteros e unu canadair. A pesu de sa bidda e fatu de su caminu, su fogu est istadu istudadu a merie, ma in su sartu est sighidu e sa bonìfica est pòdida cumintzare isceti a merie a tardu.

Su de Sant'Andria 'e Frius est istadu isceti unu de is fogos de sa die de domìniga in s'Ìsula. Trinta chilòmetros prus a nord, in is sartos de Serri, est istadu netzessàriu s'interventu de sos mezos aèreos pro nde unu fogu allutu sàbadu e torrada a allùere dae su bentu.

Una degghina de àteros fogos sunt essidos in su tzentru sud de s'Ìsula ma sunt istados mortos in pagu tempus. Totus zonas in ue in custas dies is temperaturadas sunt artziadas fintzas deghe grados subra sa mèdia. S'abbìgiu contra is fogos abarrat in vigèntzia finas a sa die de oe. In s'ala tzentru orientale de s'Ìsula e in sa regione de su bassu Aristanesu su bollinu abarrat ruju, pro ite signalat su gradu de perìgulu prus artu.